

## LAGENANDRA Dalzel.

**Spatha basi tubulosa (spadicem includens), superne in laminam arrectam, hiantem, apice subulatam producta, ad tubi ostium auricula semiclausa. Spadix basi foemineus, medio filiformis, apice hemisphaerico masculus, vertice auriculae adnatus. Ovaria plurima, libera, obconica, circa apicem molliter-echinulata unilocularia; ovula 4—5 in placenta basilari erecta. Stigma sessile, planum, discoideum. Antherae sessiles, contiguae, loculis duobus oppositis, membrana conica prominente lagenaeformi, pollen emittente obtectis. Pericarpia matura carnosula, in apice pedunculi conferta. Semina cylindrico—oblonga, sulcata, hilo carnosu. Embryo in albumine copioso corneo cylindricus.**

Herba paludosa seu aquatica, Indiae orientalis, rhizomate repente, crasso, simplici. Folia longe- ac tereti-petiolata, oblonga, coriacea, nervo medio valido, venis (nervis?) tenuissimis. Vaginae bracteantes acuminatae. Pedunculi solitarii, spathis paulo breviores.

*Synon.* Arum L.  
Caladium Vent.  
Cryptocoryne Seht. — Blume. — Knth.

**L. toxicaria Dalzel** foliorum laminis oblongis aut ovato-oblongis, margine crispato-undulatis, venis approximatis striiformibus; spatha a medio subulato-convoluta, interne rugosa, rubro-sanguinea. (e descr. auctor.)

*Synon.* Karin-Pola Rheede Hrt. Malab. XI. p. 45. t. 23. (1692).  
Arum ovatum L. Sp. ed. 2. p. 1371. (1763).  
Caladium ovatum Vent. in Roem. Arch. II. p. 357. (1790).  
Cryptocoryne ovata Seht. Melet I. p. 16. (1832) — Blume Rumph. I. p. 86. (1835) — Knth. En. III. p. 12. (1841).  
Lagenandra toxicaria Dalzel in Hook. Journ. of Bot. IV. p. 289. (1852) Descr. — V. tab. IV. (1853) Icon.

*Habit.* In India orientali.

*Observ.* An planta Rheedii differt a Dalzeliana?

